

## ՀԱՍՈՒ ԳԻՏՈՒԹՅՈՒՆՆԵՐԻ ԱԿԱԳԵՄԻԱՅԻ ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

1963 թ. մարտի 9-ին տեղի ունեցավ Հանրապետական ՍՍԽ գիտությունների ակադեմիայի տառեկան ընդհանուր ժողովը, որին նախորդեցին ֆիզիկա-մաթեմատիկական, տեխնիկական, կենսաբանական, հասարակական և բժշկական գիտությունների բաժանմունքների ժողովները:

Ընդհանուր ժողովը, որի աշխատանքներին բացի ակադեմիայի անդամներից և հիմնարկների աշխատակիցներից մասնակցում էին նաև երևանի գիտա-հետազոտական մյուս ինստիտուտների, բարձրագույն ուսումնական հաստատությունների, արտադրական ձեռնարկությունների, մամուլի ներկայացուցիչներ, ընդարձակ ներածական ճառով բաց արեց ակադեմիայի պրեզիդենտ, ակադեմիկոս Վ. Հ. Համբարձումյանը: Ակադեմիայի պրեզիդենտը ընդհանուր ժողովը բնորոշեց Սովետական Միության տրոստեություն, կուլտուրայի և գիտության բուռն զարգացումը ՍՄԿՊ XXII համագումարից հետո ընկած ժամանակաշրջանում, ընդգծեց, որ կոմունիզմի կառուցման գործում ձեռք բերված նշանակալի նվաճումների հետ միասին կոմունիստական պարտիայի և Սովետական կառավարության հողատարության շնորհիվ մեր երկրի գիտնականները առաջընթաց քալ կատարեցին համաշխարհային գիտության բոլոր բնագավառներում նոր, առավել առաջավոր բնագծեր դրավելու համար: Սովետական գիտության հետադա ծաղկման գործում կարևոր նշանակություն կունենան գիտության բնագավառում տեղի ունեցող վերակառուցումները, որոնք բխում են ՍՄԿՊ Կենտկոմի նույնաբերյան պլենումի որոշումներից:

Ակադեմիայի 1962 թ. գիտական գործունեության հիմնական արդյունքների մասին ղեկուցումով հանդես եկավ ակադեմիայի ակադեմիկոս-քարտուղար Ս. Ս. Մկրտչյանը:

Մեր երկրում կոմունիստական հասարակարգի կառուցման և հայրենական գիտության զարգացման ընդհանուր գործում ինչպես անցյալում, այնպես էլ 1962 թ. իր ավանդը ներդրեց Հայկական ՍՍԽ գիտությունների ակադեմիան, — ասաց ղեկուցողը: — Ակադեմիայի 35 գիտական հիմնարկները կատարեցին հետազոտու-

թյուններ 95 պրոբլեմի և 549 թեմայի դժուր, որոնցից ավարտվեցին 234-ը: Պրոբլեմներից 26-ն ունեն համամիութենական նշանակություն և կոորդինացվում են ՍՍԽԳ գիտությունների ակադեմիայի և ՍՍԽԳ Մինիստրների Սովետի գիտա-հետազոտական աշխատանքների կոորդինացման պետական կոմիտեի կողմից:

Ակադեմիայի գիտական աշխատանքների հիմնական նվաճումների մեջ ղեկուցողը առաջինը նշեց այն մեծ հետաքրքրություն ներկայացնող արդյունքները, որոնք ստացվել են Իյուրականի աստրոֆիզիկական աստղադիտարանում՝ դալակտիկաների միջուկների ուսումնասիրության բնագավառում: Ստացված արդյունքները հնարավորություն են տալիս անելու նոր եզրակացություններ դալակտիկաների միջուկների էվոլյուցիոն գերի և աստղերի գերխիտ կոնֆիգուրացիաների վերաբերյալ: Այստեղ յուրացվեց մետրանոց գիտակով սպեկտրալ գիտումների մեթոդիկան՝ աշխարհում ամենամեծ մետրանոց օբյեկտիվ պրիզմայի օդնոթյամբ: Այս հնարավորություն տվեց ստանալու մի քանի գալակտիկաների միջուկների և պլանետար միդամածությունների մի շարք սպեկտրներ, այդ թվում իոնիզացված ջրածնի ամպեր: Նշվեց, որ մաթեմատիկայի և մեխանիկայի ինստիտուտում կատարված աշխատանքներն ունեն կարևոր նշանակություն ինչպես ֆիզիկա-մաթեմատիկական գիտությունների ամբողջ կոմպլեքսի զարգացման, այնպես էլ ժամանակակից տեխնիկայի զարգացման հետ կապված որոշ պրոբլեմների լուծման համար: Այստեղ ավարտված է կոմպլեքս տիրույթում ասիմպտոտիկական մոտավորությունների տեսությանը նվիրված աշխատանքների ցիկլը, լուծված են առանձնականության մաթեմատիկական տեսության որոշ տարածական խնդիրներ, ստացված են նոր արդյունքներ անիզոտրոպ շերտավոր թաղանթների և դինամիկ կայունության և տատանումների վերաբերյալ:

Մեծարժեք աշխատանքներ են կատարվում ռադիոֆիզիկայի և էլեկտրոնիկայի ինստիտուտում՝ զերբարձր հաճախականության անտենայի սխեմայի մեծ երկհաշվանոց անտենայի

ոսեկծման ուղղությամբ: Ձգալի չափով մեծացավ հաշվողական մաթեմատիկայի, տեսական կիրառական տիկայի, մաթեմատիկական լեզվաբանության և մեքենայական թարգմանության բնագավառում տարվող աշխատանքի ծավալը, բարձրացավ նրա որակը, լուծվեցին կիրառական նշանակություն ունեցող մի շարք խնդիրներ: Ստացվեց մասնագիտական տեքստի առաջին փորձնական թարգմանությունը ուսենքներից հայերեն:

Այնուհետև զեկուցողը կանգ առավ տեխնիկական գիտությունների բաժանմունքի հիմնարկների երկրաբանական, էներգետիկայի, չրայի պրոբլեմների, օրգանական քիմիայի, գեոֆիզիկայի և ինժեներային սեյսմոլոգիայի ինստիտուտների ձևեր բերած հաջողությունների վրա:

Ձեկուցողը նշեց, որ երկրաբանական ինստիտուտում բացահայտված են Հայկական ՍՍԽ հյուսիսային շրջանների պղնձային և կապարացիկային հանքավայրերի ձևավորման ու տարածական տեղաբաշխման հիմնական օրինաչափությունները, որոնք նախադրություն են տալիս զնահատել հանքավայրերի հեռանկարները և նպատակասլաց ուղղություն տալ որոնման ու հետախույզական աշխատանքներին: Ձուդի, Քաջարանի, Ալավերդու հանքատեսակների հանքաքարի կազմում հայտնաբերված են նոր արժեքավոր բաղադրիչներ, որոնց անջատման նախադրությունը բարձրացնում է հանքավայրերի արդյունաբերական նշանակությունը: Նոր, արժեքավոր տվյալներ են ստացված ռեսպուրիկայի տերիտորիայի երկրաբանական կառուցվածքի ու երկրաբանական զարգացման վերաբերյալ:

Օրգանական քիմիայի ինստիտուտում քիմիական ռեակցիաների մեխանիզմի և նյութերի կառուցվածքի ու նրա հատկությունների մեկզած կապի պրոբլեմին նվիրված հետազոտությունները հանգեցրին ամոնյակային ազերի բոլորովին նոր տիպի վերախմբավորման, ճեղքման ռեակցիայի, ինչպես նաև ացետիլենի քիմիայի բնագավառում ացետիլեն-ալլեն-կումուլենային տիպի մի նոր շափաղանց հետաքրքիր իզոմերիզացիայի հայտնաբերման: Հայտնաբերված տեսական յուրի նշանակություն ունեցող այդ նոր օրինաչափությունները հնարավորություն են տալիս մշակելու օրգանական միացությունների զանազան դասերին պատկանող նյութերի ստացման նոր ուղիներ ու նոր եղանակներ:

Էներգետիկայի ինստիտուտում զգալի աշխատանք կատարվեց էներգետիկայի և էլեկտրիֆիկացիայի պրոբլեմների հետազոտման մի շարք խնդիրներում կիրառական տիկայի կիրառման վե-

րաբերյալ: Այստեղ մշակված, պատրաստված և շահագործման են հանձնված էներգետիկայի ու ուրիշ տեխնիկական գիտություններին վերաբերող ինժեներական խնդիրների վճռման համար օգտագործվող դիսկրետ գործողության էլեկտրոնային հաշվող մեքենա, էլեկտրական սիստեմների մոդելի կապակցումը անրնդհատ գործող մաթեմատիկական մեքենայի հետ, որը թույլ է տալիս էներգասիստեմների ռեժիմների հավասարումների լիակատար մոդելացումը: Վճռված են մի շարք խնդիրներ՝ կապված Անդրկովկասի էներգասիստեմի ստատիկ և դինամիկ կայունության հետ: Անդրկովկասի էներգասիստեմում փորձարկումները հաստատեցին կատարված հաշվարկների և հետազոտման բարձր ճշտությունը:

Բնության մեջ տեղի ունեցող սեյսմիկական երևույթները լաբորատոր պայմաններում մոդելների վրա ավելի ռացիոնալ կերպով ուսումնասիրելու համար գեոֆիզիկայի և ինժեներային սեյսմոլոգիայի ինստիտուտում ստեղծված է աշխարհում առաջին փորձնական էլաստիկական սեյսմիկական հարթակը, ծրագրային զեկավարությամբ, որն ի տարբերություն մինչև այդ զոյություն ունեցող հարթակների, բնզունակ է առաջացնել տարածվող սեյսմիկական ալիքներ: Աշակվեց նաև փոքր մոդուլ ունեցող նյութերի մեխանիկական հատկությունների ուսումնասիրման որոշակի մեթոդիկա:

Ակադեմիայի ակադեմիկոս-քարտուղար Մ. Ս. Ակրտչյանի զեկուցման մեջ մեծ տեղ էր հատկացված կենսաբանական և բժշկական գիտությունների բաժանմունքների հիմնարկների գործունեությանը, որոնց զարգացումը հաշվետու տարում ընթացավ անհամաչափ նրանցից նուրբ օրգանական քիմիայի, բիոքիմիայի, սրտաբանության և սրտի վիրաբուժության ինստիտուտները, ազրոքիմիայի լաբորատորիան ստեղծել են իրենց զեմբը, զխավոր ուղղությունը և պայմաններ՝ գիտության ժամանակակից մեթոդների ու եղանակների լայն կիրառման համար: Այս նրանց հնարավորություն է տալիս կիրառել հետազոտությունների նուրբ եղանակներ և թափանցել ուսումնասիրվող հարցերի, երևույթների ու պրոցեսների ներքին էության մեջ: Այսպես, նուրբ օրգանական քիմիայի ինստիտուտում զգալի աշխատանք է կատարվել քիմիական նյութի կառուցվածքի և նրա բոլորողական ազդեցության միջև եղած կապերի օրինաչափությունների պարզաբանման, ինչպես և բնորոգական ազդեցություն ունեցող միացությունների նպատակադիր սինթեզի եղանակներ մշակելու ուղղությամբ: Ինստիտուտն իր տեսական հետազոտությունների հիման վրա սինթեզել է

պրեպարատներ սրտանոթային սխտեմի ախտաբանական վիճակի՝ ստենոկարդիայի, միոկարդային ինֆարկտի, հիպերտոնիայի կանոնավորման համար, կենտրոնական և պերիֆերիկ նյարդային խախտումների հետ կապված հիվանդությունների՝ էպիլեպսիայի, պարկինսոնիզմի, խորհայի և այլ հիվանդությունների բուժման համար:

Բիոքիմիայի ինստիտուտը շարունակել է ուսումնասիրություններ կատարել դամա-ամինոկարապթթի և նրա մի քանի ածանցյալների բիոքիմիական դերի պարզաբանման ուղղությամբ: Դամա-ամինոկարապթթի համեմատաբար մեծ քանակության հայտնաբերումը դիսուղեղում ինքնին մեծ հետաքրքրություն է ներկայացնում: Բայց ինչպիսի՞ն է այդ նյութի դերը գլխուղեղում՝ հայտնի չէ: Բիոքիմիկոսների հետազոտությունների շնորհիվ պարզվել է, որ դամա-ամինոկարապթթուն լուրջ դեր է կատարում գլխուղեղում տեղի ունեցող սննդառական պրոցեսներում, հայտնաբերելով նմանություն ինսուլինին և գանգլիոլիկացնող նյութին:

Բուսաբանական ինստիտուտը առաջ է տարել այնպիսի կարևոր թեմայի մշակման գործը, ինչպիսին է բույսերի անհատական զարգացումը, նպատակ ունենալով լուծելու բուսական օրգանիզմների նպատակադիր ղեկավարումը: Երևակ, այնպիսի ուղղությամբ, ինչպիսին է բույսերի ամենամյա պտղաբերման ապահովումը: Հետաքրքրական տվյալներ են ստացվել բույսերի մեջ տեղի ունեցող նյութափոխանակության վերաբերյալ:

Ագրոքիմիայի լաբորատորիան իր վրա է վերցրել մի շարք խնդիրների մշակումը, խնդիրներ, որոնք շատ կարևոր են գիտության և սննդային միջավայրում գյուղատնտեսական պրակտիկայի համար: Դրանցից մեկը անհոդ կուլտուրաների մշակումն է: Լաբորատորիայի աշխատակիցները հանձն են առել մեր պայմաններում գյուղատնտեսական մի շարք կուլտուրաներ մշակել և բերք ստանալ անհոդ սերնդային միջավայրում և՛ բաց տարածությունում, և՛ փակ, առաջին դեպքում զգալի կերպով խախտելով բույսերի մշակման սեզոնայնությունը, երկրորդ դեպքում լրիվ խախտելով սեզոնայնությունը:

Սրտաբանության և սրտի վիրաբուժության ինստիտուտում լայն նախադրյալ տարվել են կլինիկական, էլեկտրա-կարդիոգրաֆիական, բալիստոկարդիոգրաֆիական, օկսիմետրիկական հետազոտություններ, այդ թվում նաև գոնգոմ և սրտի խոռոչների կոնտրաստ հետազոտություններ: Այստեղ կարևոր դեր էին կատարում սրտի հիվանդությունների վիրահատական բուժման

ժամանակակից մեթոդները: Կարճ ժամանակում կատարված է մոտ 90 վիրահատություն բավարար արդյունքներով:

Ջեկուցողը միաժամանակ նշեց կենսաբանական գիտությունների բաժանմունքի հիմնարկների աշխատանքներում տեղ գտած թերությունները: Կատարվող շատ օգտակար աշխատանքների հետ մի շարք բնագավառներում հետազոտություններն իրականացվում են ցածր մակարդակով, որը առաջին հերթին վերաբերում է բուսաբանությանը և կենդանաբանությանը, որոշ չափով նաև միկրոբիոլոգիային և հիպոբիոլոգիային:

Ջեկուցողը հանգամանորեն կանգ առավ հասարակական գիտությունների բաժանմունքի հիմնարկների գործունեության վրա, որոնք շարունակում էին մշակել և լուսաբանել հայ ժողովրդի պատմության, դրականության, լեզվի, արվեստի պրոբլեմները, ինչպես նաև փիլիսոփայության և արևելագիտության հարցերը:

Բաժանմունքի հիմնարկների գիտա-հետազոտական աշխատանքը, — ընդգծեց Ջեկուցողը, — ընթացավ պարտիայի XXII համագումարի որոշումների և ՍՄԿՊ նոր ծրագրի լույսի տակ, որոնք նոր խնդիրներ են առաջադրել հասարակական գիտություններին: Հասարակական գիտությունների ապագա զարգացման համար կարևոր նշանակություն ունեցան ՍՄԽ ԳԱ ընդհանուր ժողովի որոշումները՝ նվիրված հասարակական գիտությունների զարգացման խնդիրներին: Հաշվետու տարում բաժանմունքի հիմնարկներում մշակվում էր մոտ 250 թեմա, որից ավարտվեց 134-ը: Նրանց զգալի մասը նվիրված է արդիականության կարևոր հարցերին՝ Սովետական Հայաստանի պատմության, սովետահայ դրականության պատմության, ժամանակակից հայոց լեզվի հարցերին, Մերձավոր Արևելքի նորագույն պատմության հարցերին և այլն: Հիմնարկների մի զգալի մասի համար արդեն բնորոշ է խոշոր ընդհանրացնող աշխատությունների մշակումը և հրատարակումը: Պատմության ինստիտուտի գիտա-հետազոտական աշխատանքների կենտրոնում դրված են «Հայ ժողովրդի պատմություն» բազմահատոր ակադեմիական հետազոտության հրատարակման նախապատրաստական աշխատանքները: Այդ կարևոր և պատասխանատու աշխատությունը պատրաստվում է պատմության ինստիտուտի, հնագիտության և ազգագրության ինստիտուտի գիտական աշխատողների կոլեկտիվների և այլ հիմնարկների համապատասխան մասնագետների կողմից: Եթե 1961 թ. պատմության ինստիտուտը մշակում էր 12 թեմա կապված «Հայ ժողովրդի պատմություն» բազմահատորյակի հետ, ապա 1962 թ. ինստիտուտը

մշակում էր 23 թեմա բազմհատորյակի զծով, որոնցից 17-ը կատարված են: Հնադիտության և ազգագրության ինստիտուտում արդեն 1964 թ. կազմարտվեն «Հայ ժողովրդի պատմության» առաջին հատորի վրա տարվող աշխատանքները:

Պատմության ինստիտուտը շարունակում է մշակել նաև առանձին, մոնոգրաֆիկ բնույթի թեմաներ: 1962 թ. ինստիտուտը հրատարակել է Գեղթղթից-անդամ Ս. Պ. Աղաջանի «Մեծ Հոկտեմբերը և Հայաստանի աշխատավորների պայքարը Սովետական իշխանության հաղթանակի համար», Ա. Հակոբյանի «Սովետական Հայաստանը կոմունիստական շրջադարձի ժամանակահատվածում», Ն. Անասյանի «Ազատագրական շարժումները Արևմտյան Հայաստանում XIX դարում» աշխատությունները, հոգևածների ժողովածու Մեսրոպ Մաշտոցի մասին և այլ աշխատություններ:

Հնադիտության և ազգագրության ինստիտուտը ձեռնարկեց վաղ Հայաստանի կարևորագույն կենտրոններից մեկի՝ Արմավիրի նախնական հետազոտական բնույթ կրող պեղումները: Նախնական արդյունքները ցույց տվեցին, որ Արմավիրի պեղումները մեծ նշանակություն կունենան հելլենիստական և վաղ ֆեոդալական Հայաստանի պատմությունը և մշակույթը ուսումնասիրելու տեսակետից: Այդ իսկ պատճառով ակադեմիայի նախագահությունը Արմավիրի նուշարձանների հետազոտության հետադիտությունը պարձրել է հնադիտության և ազգագրության ինստիտուտի հիմնական խնդիրը: 1962 թ. հնադիտության և ազգագրության ինստիտուտը հրատարակել է երկու աշխատություն՝ «Գառնիի պեղումների արդյունքները» 3-րդ պրակը և «Հայ ժողովրդական հեքիաթների» 3-րդ հատորը:

Զգալի աշխատանք է կատարված գրականության ինստիտուտում: «Հայ նոր դրականության պատմության» I և II հատորների հրատարակումը կարևոր ներդրում է սովետահայ գրականագիտության ասպարեզում: Գրականության ինստիտուտը շնորհակալ աշխատանք է կատարում հայ գրական հեղինակների երկերի հրատարակության բնագավառում:

Արվեստի ինստիտուտը շարունակում էր մշակել պրոբլեմներ՝ կապված հայ արվեստի հիմնական ասպարեզների՝ երաժշտության, ճարտարապետության, գեղարվեստի, թատրոնի հետ: Ինստիտուտը հրատարակել է 7 աշխատություն, այդ թվում՝ «Հայ երաժշտության պատմության ակնարկներ», «Սեդրակ Առաքելյան», «Ակնարկ արևմտահայ թատրոնի պատմության» և այլն: Հրատարակվել է նաև Ա. Սպենդիար-

յանի երկերի լիակատար ժողովածուի 7 հատորը:

Լեզվի ինստիտուտի գիտահետազոտական աշխատանքների կենտրոնում զբաղվում են հայոց լեզվի գիտական քերականության, հայոց լեզվի պատմության, բարբառների հարցերի ուսումնասիրումը, բառարանների և հայոց գրական լեզվի քարտարանի ստեղծումը: Հաշվետու տարում ինստիտուտը հրատարակել է Ա. Արրահամյանի «Եւրո ժամանակակից հայերենում», Գ. Զահեդյանի «Ուրարտերենը և հնդեվրոպական լեզուները» և այլ ուսումնասիրություններ:

Փիլիսոփայության սեկտորը 1962 թ. հրատարակել է 10 աշխատություն, որոնք նվիրված են գիտական կոմունիզմի, գիտելիտիկական և պատմական մատերիալիզմի, բուրժուական դադարաբախտության քննադատության, հայ փիլիսոփայության պատմության և սոցիալիստական իրավունքի հարցերին: Սեկտորը ձեռնամուխ է եղել «XIX դարի հայ փիլիսոփայական մտքի պատմություն» երկհատորյա աշխատության ստեղծմանը: Պետական համալսարանի ամբիոնի աշխատակիցների հետ պատրաստվում է բուհական ձեռնարկ՝ գիտելիտիկական և պատմական մատերիալիզմի զծով:

Արևելագիտության սեկտորը շարունակում էր Մերձավոր Արևելքի երկրների պատմության, տնտեսագիտության և մշակույթի պրոբլեմների հետազոտությունը: Սեկտորը 1962 թ. հրատարակել է 4 աշխատություն, այդ թվում՝ Ե. Սարգսյանի «Օսմանյան կայսրության դավթողական քաղաքականությունը Անդրկովկասում առաջին համաշխարհային պատերազմի նախօրյակին և պատերազմի տարիներին», «Սովետական բրդական գրականության բիրլիոգրաֆիա» և այլն:

Զեկուցողը ողջունելի և դրական համարեց այն հանգամանքը, որ հասարակական գիտությունների բաժանմունքի մի շարք հիմնարկներ (գրականության, պատմության ինստիտուտները, արևելագիտության սեկտորը) որոշ քայլեր են կատարել սփյուռքահայության պատմության և մշակույթի ուսումնասիրման ուղղությամբ: Գրականության ինստիտուտը կազմակերպել է գիտական սեփա՝ նվիրված սփյուռքահայ գրականության հարցերին, պատմության ինստիտուտի և արևելագիտության սեկտորի գիտահետազոտական աշխատանքների պլաններում տեղ են գտել թեմաներ՝ կապված հայկական տարբեր դադարների պատմության հետ:

1962 թ. հասարակական գիտությունների բաժանմունքի զծով կազմակերպվել են մի շարք գիտական սեփաներ, այդ թվում Մ. Մաշտոցի ծննդյան 1600-ամյակին նվիրված գիտական սեփան, պատմության ինստիտուտի կողմից կազմակերպված՝ Զեյթունի հերոսական պատ-

մուկյան 100-ամյակին նվիրված դիտական սեսիան, մեր պատմության ինստիտուտի և Ուկրաինական ՍՍՏ ԳԱ պատմության և հասարակական գիտությունների Լվովի ինստիտուտների համատեղ սեսիան (Կիև—Լվով), նվիրված հայ և ուկրաինական ժողովուրդների պատմության կապերին և բարեկամությանը:

Ակադեմիայի սիստեմում 1962 թվին դործում էին 26 զրադարան՝ ֆունդամենտալ զրադարանը, հասարակական գիտությունների զրադարանը, կենսաբանական գիտությունների բաժանմունքի զրադարանը և ԳԱ դիտական հիմնարկների 23 զրադարաններ, որոնց զբաղյալն ֆունդերը առ 1-ը հունվարի 1963 թ. կազմում էր 1.898.500 դրրք: Միայն 1962 թվին ձեռք է բերված 121.200 զրադարանային միավոր: Գրքափոխանակությունը դարձել է ակադեմիայի ֆունդերի կոմպլեկտավորման հիմնական աղբյուրներից մեկը:

Ինչպես և նախորդ տարիներին, այս տարի ևս տպագրվել են «ՀՍՍՏ ԳԱ ղեկույցները», «ՀՍՍՏ ԳԱ տեղեկագրերը» — ֆիզիկա-մաթեմատիկական, տեխնիկական, երկրաբանական, քիմիական, բժշկական, կենսաբանական, հասարակական սերիաներով: Հրատարակվել է «Պատմա-բանասիրական հանդեսը»:

Թողարկվել է 183 անուն աշխատանք՝ 2069,5 մամուլ ծավալով, 190.000 տպաքանակով:

1962 թ. միջազգային դիտական կապերը իրադործելիս, հիմնական ուշադրություն դարձվեց ժողովրդա-ղեկավարական երկրների դիտական հիմնարկների հետ կապերը բնորոշելուն ու խորացնելուն, ինչպես նաև դիտական տեսակետից առավել զարգացած կապիտալիստական երկրների հետ դիտական կապերի էֆեկտիվ օգտագործմանը: Կայունացավ դիտականների արտասահման մեկնելու և արտասահմանից դիտականների բնորոշման դործը: 1962 թվին արտասահման մեկնեցին 26 հոգի, արտասահմանից բնորոշվեց 38 հոգի:

Խոշոր իրադարձություն հանդիսացավ Աստղագետների միջազգային խորհրդի Գործկոմի նիստի Երևանում անցկացնելը, որը կայացավ այդ խորհրդի նախագահ, ակադեմիկոս Վ. Հ. Համբարձումյանի նախագահությամբ: Մեր դիտականներից մի քանիսը անձամբ հրավիրվել են արտասահմանյան երկրներ դասախոսություններ կարդալու համար: Գիտությունների ակադեմիայի պրեզիդենտ, ակադեմիկոս Վ. Հ. Համբարձումյանին շնորհվել է Կաներիայի համալսարանի պատվավոր դոկտորի աստիճան, որը աշխարհահռչակ դիտականի նոր, 11-րդ կոչման արժանացումն է արտասահմանյան դիտական հաստատությունների կողմից:

Նշելով ակադեմիայի հիմնարկների ձեռք բերած հիմնական նվաճումները, ղեկույցողը լուրջ

քննադատության ենթարկեց նաև նրա առանձին օղակներում տեղ գտած թերությունները: Նշվեց մասնավորապես այն, որ ակադեմիայի ցանցի որոշ հիմնարկներում չի վերացված բաղմամբ մայնությունը, որի պատճառով հատկացվում է խնայողություն և հաստիքները ցրվում են մանր թեմաներ կատարելու համար, չեն կենտրոնացնում ինստիտուտի առջև դրված հիմնական խնդրի կատարման շուրջը: Դա, է հիմնական պատճառը, որ շատ ինստիտուտներում չեն կատարվում ինչպես տեսական, այնպես էլ ժողովրդա-տնտեսական նշանակություն ունեցող խոշոր դիտական աշխատանքներ: Սրինակ, հասարակական գիտությունների բաժանմունքի հիմնարկներում զրեթե չեն մշակվում թեմաներ կոլեկտիվ ձևով, իսկ ռադիոբիոլոգիայի սեկտորը իր զոյություն մոտ 5 տարիների բնթացքում չկարողացավ ձշտել իր պրոֆիլը և ունենալ որոշակի դեմք: Բացակայում է առանձին թեմաների կոմպլեքսային ուսումնասիրությունը: Մի քանի ինստիտուտներում քիչ են օգտագործվում ժամանակակից էքսպերիմենտալ մեթոդներն ու սարքավորումները:

Ձեկույցողը հասարակական գիտությունների բաժանմունքի հիմնարկների ուշադրությունը բեկեղեց պարտիայի XXII համագումարի որոշումների անշեղ կատարման վրա, բնորոշեց, որ հասարակական գիտությունների բնագավառում աշխատող դիտական աշխատակիցները բնորոշ պետք է մոտենան կոմունիստական շինարարության հարցերի մշակմանը, ստեղծեն զաղափարապես հաղեցած, մեր մարդկանց սոցիալիստական հայրենասիրության և պրոլետարական ինտերնացիոնալիզմի ոգով դաստիարակող աշխատություններ, պայքարեն թշնամական զաղափարախոսությունների դեմ:

Նշվեց նաև, որ ակադեմիայի նախագահությունը և բաժանմունքները երբեմն անհրաժեշտ պահանջկոտություն չեն ցուցաբերում դիտական բարձրորակ կադրերի պատրաստման, բոլոր օղակներում դիտական ղեկավարությունը ուժեղացնելու համար: Խնդիր դրվեց է՛լ ավելի բարձրացնել դիտական կադրերի որակը, կատարելագործել ղեկավարման մեթոդները, ավելի սկզբունքային կերպով լուծել հիմնարկների առջև դրված խնդիրները, դիտական խորհուրդները ամենուրեք վերածել կոլեկտիվ ղեկավարման իսկական օղակների, քրտնաջան աշխատանք տանել բոլոր լաբորատորիաները, բաժինները, ինստիտուտները դիտական տեսակետից հեղինակություն վայելող կադրերով ամրացնելու ուղղությամբ:

Ակադեմիկոս-քարտուղար Ս. Ս. Մկրտչյանի ղեկույցման քննարկմանը մասնակցեցին ԳԱ ակադեմիկոս Ա. Ա. Առաքելյանը, ԳԱ ակադեմի-

կոս Ի. Վ. Եղիազարովը, պատմական գիտությունների դոկտոր, հնագիտության և ազգագրության ինստիտուտի դիրեկտոր Բ. Ն. Առաքելյանը, Կաուչուկի համամիութենական ինստիտուտի Երևանի ֆիլիալի դիրեկտոր Ն. Կարապետյանը, հիպոթեզների և գիտությունների դիրեկտոր Գ. Աղախանյանը, ԳԱ ակադեմիկոս Վ. Հ. Գուլքանյանը:

Ակադեմիայի 1962 թ. դործունեությունը լայնորեն քննարկվեց նաև ակադեմիայի բոլոր բաժանմունքների ժողովներում: Բացի զրանից բաժանմունքներում լսվեցին 22 գիտական զեկուցումներ՝ զանազան հիմնարկներում կատարված առավել կարևոր աշխատանքների մասին: Ակադեմիայի ընդհանուր ժողովը լսեց ԳԱ թղթակից-անդամ Ա. Բ. Նալբանդյանի զեկուցումը «Ֆորմալիզմի, խեղճի, պլանայինության և պոլիֆորմալիզմի սինթեզի համար կարևորագույն հումքի ստացման նոր արդյունաբերական եղանակի մասին»:

Ընդհանուր ժողովում ընտրվեցին նոր ակադեմիկոսներ և թղթակից-անդամներ: Հայկական ՍՍՌ-ի գիտությունների ակադեմիայի ակադեմիկոսներ ընտրվեցին պատմական գիտությունների դոկտոր-պրոֆեսոր Սուրեն Տիգրանի Երևանյան, կոմպոզիտոր Արամ Եղիայի Խաչատրյանը, քիմիկոսներ Մանվել Գարեգինի Մանվելյանը և Արամ Բադրատի Նալբանդյանը: Թղթակից-անդամներ ընտրվեցին ազգայնագիտության դոկտոր-պատմական գիտությունների դոկտոր Լևոն Ստեփանի Խաչիկյանը, Լիկեդրալիզմի դոկտոր-պրոֆեսոր Հրանտ Տիգրանի Աղոնցը, տեսական ֆիզիկայի դոկտոր ֆիզիկա-մաթեմատիկական գիտությունների դոկտորներ Գրիգոր Մարգարի Ղարիբջանը և Միքայել Լևոնի Տեր-Միքայելյանը, կենդանիների ֆիզիկայի դոկտոր-

պրոֆեսոր Արտաշես Հովհաննեսի Քարամյանը, պատմության դոկտոր-պատմական և բանասիրական գիտությունների թեկնածու Մարգար Ստեփանի Հասրաթյանը: Այսպիսով, ակադեմիայի կազմում այժմ կան 39 ակադեմիկոս և 36 թղթակից-անդամ:



Հայկական ՍՍՌ-ի գիտությունների ակադեմիայի ընդհանուր ժողովը ընտրեց նախագահության նոր կազմ: Համաձայն ակադեմիայի կանոնադրության, ակադեմիայի պրեզիդենտի նոր ընտրությունը կայանալու է մեկ տարի հետո:

Ակադեմիայի վիցե-պրեզիդենտ ընտրվեց Հրաչյա Խաչատուրի Բունիաթյանը, ակադեմիկոս-քարտուղար՝ Սերգեյ Սեդրակի Մկրտչյանը:

Գիտությունների բաժանմունքների դոկտոր-ակադեմիկոս-քարտուղարներ ընտրվեցին՝ հասարակական գիտությունների բաժանմունքում՝ Մկրտիչ Գեղամի Ներսիսյանը, ֆիզիկա-մաթեմատիկական գիտությունների բաժանմունքում՝ Սերգեյ Նիկիտայի Մերգելյանը, տեխնիկական գիտությունների բաժանմունքում՝ Մարտին Վահանի Կասյանը, կենսաբանական գիտությունների բաժանմունքում՝ Վարդան Հովհաննեսի Գուլքանյանը: Հանձնարարվեց Բարդուղիմեոս Արտեմի Զանաբեկյանին մինչև նոր ընտրությունները շարունակել վարել բժշկական գիտությունների բաժանմունքի ակադեմիկոս-քարտուղարի պաշտոնը:

Նախագահության ազատ անդամներ ընտրվեցին ԳԱ ակադեմիկոսներ Արտաշես Բալասի Կարինյանը, Գաղիկ Ստեփանի Դավթյանը, Արմեն Գևորգի Նազարովը:

Հ. ԱՎԵՏԻՍՅԱՆ

## ՀԻՆ ԱՐԵՎԵԼԷՐԻ ՈՒՍՈՒՄՆԱՍԻՐՈՒԹՅԱՆ ՀԱՄԱՄԻՈՒԹԵՆԱԿԱՆ ԸՆԴԵՐՈՒԹՅՈՒՆՈՒՄ

Մեր ժամանակներից նշանավորվեցին սովետական արևելագիտության նոր հաջողություններով արևելյան ժողովուրդների անցյալի ու ներկայի գիտական ուսումնասիրության ասպարեզում: Սովետական արևելագիտության նվաճումները ակնառու կերպով դրսևորվեցին Մոսկվայում 1960 թ. կայացած արևելագետների միջազգային XXV կոնգրեսում, որտեղ մի շարք հանդուցային հարցեր իրենց լուսաբանումը գտան սովետական գիտնականների զեկուցումներում ու հրապարակումներում:

Պակաս կարևոր նշանակություն չունեցավ նաև 1958 թ. Լենինգրադում գումարված Հին Արևելքի ուսումնասիրությանը նվիրված սեմինար, որին մասնակցում էին Սովետական Միության բազմաթիվ մասնագետներ: Սեմինարի կարևոր արդյունքներից մեկն էր Հին Արևելքի պատմաբանների և բանասերների Համամիութենական ընկերության ստեղծումը: Այդ ընկե-

1 Այդ մասին տե՛ս «Պատմա-բանասիրական հանդես», 1958, N 2, էջ 323—325: